

Sukuma - Kupija Shandikwa - Healing Scriptures

Matayo 4:23,24 Huna wandya kuja hose-hose u mu Galilaya akulangaga mu masinagogi gabu, na kulomeela Nghulu Jawiza ja butemi, hamo na kupija busaatu bo banhu, na bulemehazu bo buli mbika. 24 U lukumo lokwe lusambaala hose pye, kushisha lushika mu si ya Sulia. Buyung'wenhela pye abo baali basaatu, na a babo baali na bulemehazu bungi na bungi bo mili. Pye wabapijaga, na a babo baluhiagwa masamva, na a ba lusalo Iwa kugwa, na a ba busaatu bo kupola mili.

Matayo 8:16,17 Aho lyabiza lya mhindi a banhu bandya kung'wenhela bingi abo bakoyiagwa masamva, nanghwe uyugapeeja bo guhaya mhayo duhu; na a babo basaataga ubapija pye. 17 U mu kwita giko akagushikilija uyo guhayiwe na nghangi Isaya giki, "U bugokolo wise akabubuucha wei; ni ndwala jise ujinja we."

Matayo 9:35 Huna luulu u Yesu wandya kuja hose-hose u mu mizengo nu ku machalo. Wajaga akulangaga u mu masinagogi gabu na kulomeela Nghulu Jawiza ja butemi, hamo na kupija buli mbika ja busaatu nuulu bulemehazu.

Matayo 10:1,8 Akiita ubitana a bahemba bakwe abo ikumi na bibili, ubinha budula bo kuheeba myoyo misoso nuulu myoyo mibi iyo ikakoyaga banhu: giti masamva na mahugi.'; badule kwipeeja, na kupija buli mbika ja busaatu na bulemehazu. (Maliko 3:14,15) 8 Ng'ubapija a basaatu, na a bafu ng'ubajuucha, pye na a ba mbiji ng'ubeeja, na a masamva ng'ugapeeja. Ng'wanukulaga dalali, ning'we inhagi dalali.

Matayo 11:5 A babboku balibona, na a balema balishimiza, a ba mbiji bakwelaga, a bagulu nabo bakwigwaga; pye na a bafu bakujuukaga, na a bahabi balilomeelwa Nghulu Jawiza. (Isaya 35:5)

Matayo 12:15 U Yesu aho wagudeeba u gwenuyo winga ho a henaho, na banhu bingi bunondeela. Uukabapija pye abo baali basaatile.

Matayo 15:30 Nu kwene gunkuubija mabita mataale ga banhu, galing'wenhela pye abo baali basaatu, babboku, balemehazu, buyaga na bashimumu. Na bangi bingi duhu, buyushika babatuula ku magulu gakwe wabapija.

Matayo 17:20 Nanghwe uhaya, "Kulwa nguno ya budo wa kuzunya kwing'we. Nalimuwilu gwa nghana giki, u kuzunya kwing'we ulu kubiza kushikanu giti kabiyu ka haladali, mudugije nuulu kuluwila lugulu git'ulu giki, 'Ingaga ho a henaho'; na nghana lukwinga. Niyo gutiho mhayo uyo gukumulemeela u kugwita.

Maliko 1:34 Akapija banhu bingi ba busaatu bo mbika na mbika, upeeja na masamva gabuyaga, niyo wali atagazunilijaga u kuyomba, nguno a goyi gaali gaamanile.

Maliko 3:10 nguno wapijaga bingi no. Nose pye abo baali na makoye bichiibilijaga, giki nuulu bankuumye bo kungwila.

Maliko 6:5,6,13 Nose u ng'wenumo akaduumma u kwita nuulu mhayo gwa koolecha budula, ulu iti kubatuulila makono basaatu bagehu duhu na kubapija. 6 Akakumya no kulwa nguno ya butuzunya wabo! Ha numa u Yesu wandya kuja hose pyi u mu machalo akulangaga. 13 Bupeeja na masamva mingi, na basaatu bingi bubabila maguta, bubapija.

Maliko 6:55,56 Bandya kupeela kuja hose-hose u mu mapandi genayo; buyubenza a basaatu, abo baali batadugije kushimiza, buyubatuula ha buliili bababuucha babatwala buli kwene uko bang'wigwilaga. 56 Nguno wajaga hose-hose: ku magunguli, mu mizengo, pyi nu ku matogolo. Akaja na kwigulilu, nu kwene bung'wenhela bingi abo baali na makoye, buyung'wikumbilija bakuumye nuulu ha neno ya shizwalo shakwe duhu. Na nghana buli bene abo bankuumyaga bapilaga.

Maliko 8:23-25 Nanghwe undima nkono u mboku unfunya hanze ya nzengo. Unswila mate u ku miso, untuulila na makono; huna umuja, "Ulibona shose-shose?" 24 Aho wabuucha u bushu giki arole, uhaya; "Nalibona banhu baliyeela-yeela, aliyo bali gititi miti." 25 Untuulila hangi makono u ku miso gakwe, upila. Aho walola ushibona chiza pyi i shikolo.

Maliko 9:29 Nanghwe ubashokeja giki, "I mbika gititi iyi itiko kufuma na hado yaya ulu iti mu kulomba."

Maliko 16:17,18 I shimanikijo ishi shikubiza hamo nabo a bazunya: bakuyupee-ja masamva na kulungalunga mu ndimi jingi, mu lina lyane. 18 Bakudima nuulu nzoka na makono gabu, niyo nuulu bung'wa shikolo isho shidugije kubulaga, shitubakenaagula. Na a basaatu bakuyubatuulila makono bapila."

Luka 4:18 "U Moyo wa ng'wa Seeba ali hamo nu nene, nguno wanibilile maguta giki nabalomeele a bahabi Nghulu Jawiza. Wanitumile kubasomboolela batungwa mhola ja kulekejiwa kwabo, na a babboku kubinha kubona; kubinha kwiyagalula abo basheedekejiwe makoye.

Luka 4:40 Aho lyayujiliila kugwa i liimi, bandya kung'wenhela pye abo baali na busaatu bo mbika na mbika. Buli ng'wene uyo ontuulilaga makono opilaga.

Luka 5:15 U lukumo lokwe lukasambaala, buyung'okaliila banhu bingi kwiza kundegeleka, na kupijiwa ndwala jabo ja buli mbika.

Luka 5:17-25 Na lushiku lungi hangi walangaga, baali bigasha ho na Bafalisayo hamo na balangi ba shilagilo, ba kufuma mu magunguli gose, a ga mu Galilaya, ni Buyudaya; pye na Yelusalemu. U budula bo ng'wa Seeba boli hamo nanghwe kulwa kupija basaatu. 18 Kuhayimanila bashika bagosha babuukije munhu ha shilago, wali na busaatu wa mangwisha; i nghumbu jabo jali kunshisha ha butongi bo ng'wa Yesu. 19 Aliyo iki a banhu baali bingi bugayiwa i nzila ya kunshisha aho wali u Yesu. Bulinha kwigulya ya numba buukagahega a malongo na a mazengo I numba ja Baisilaeli i shiku jenijo jaali ja mbika ya matembe.', huna bung'wicha ni shilago shakwe buntuula ha gati-gati ha butongi bo ng'wa Yesu. 20 U Yesu aho wakubona u kuzunya kwabo, uhaya, "Bahebu, olekejiagwa i shibi shako."

21 A balangi ba shilagilo na a Bafalisayo bandya kung'ung'uula balihaya, "U munhu ng'wenuyu ni nani i gete aguhayaga mihayo ya nyagimu giko? Nani uyo adugije kulekeja shibi ulu ati Mulungu duhu!" 22 U Yesu ubudeeba u bung'ung'uuji wabo, huna ushosha alibawila giki, "Nibuli mukung'ung'uulaga u mu ngholo jing'we? 23 I gisi, u nogu ni guli ginehe? U gwa kuhaya giki, 'Walekejiagwa i shibi shako;' nuulu hamo u gwa kuhaya giki, 'Buukaga ushimize?' 24 Ali luulu, shiigelile mumane giki u Ng'wana o Munhu ali nabo u budula bo kulekeja shibi u mu si." Huna ung'wila u nsaatu giki, "Nalikuwila buukaga, ushibuuche i shilago shako uje kaya." 25 Nghana ubuuka haho na haho mu butongi wabo, ushibuucha i shilago isho wali ashilaalilile, ugumha ajile kaya akunkumilijaga Mulungu.

Luka 6:17-19 Huna wika nabo uja ha mbuga halenganizu, uukimiila henaho hamo n'ibita itaale lya bahemba bakwe. Gibiliingila ho na mabita mataale ga banhu kufuma hose-hose u mu Buyudaya, ni Yelusalemu; na bangi bafumaga mhandi ja ku nghilimva ya nyanza, mu si ja Tulo na Sidoni. 18 Bizaga kundegeleka na kupijiwa busaatu wabo; na a babo bakoyiagwa masamva, bakayupila. 19 Pye a bose bakoobaga kunkuumya, nguno bonfumaga budula bo kupija.

Luka 7:21,22 U ng'wikanza Iyenilo u Yesu wapijaga banhu bingi kufuma mu busaatu na bulemehazu; bangi wabingijaga masamva, na babboku bingi wabinhaga kubona. 22 Huna ubashokeja ubawila, "Jagi mukang'wile u Yohana iyo muliyigwa na kwibona: a babboku balibona, na a balema balishimiza, a ba mbiji bakwelaga, a bagulu bakwigwaga; pye na a bafu balijuuka, na a bahabi balilomeelwa Nghulu Jawiza.

Luka 8:2 Baalimo na bakima balebe, bangi baali bingijiwa masamva na bangi bupijiwa busaatu; umo wa bakima benabo wali Malia uyo witanagwa Magadalena, u ng'wene gaali gang'winga masamva mpungati.

Luka 9:2,11 Ubatuma baje bakubukumuchaga u butemi bo ng'wa Mulungu, na kupija banhu. 11 Aliyo a mabita ga banhu aho gadeeba gunkuubija koi; nanghwe ubanukula, ubasomboolela mihayo ya butemi bo ng'wa Mulungu. Na a babo baali na makoye ubapija.

Luka 13:12 U Yesu aho wamona ung'witana ung'wila giki, "Bebe mayu otaligulagwa u mu makoye gako."

Luka 13:32 Nanghwe ubawila, "Jagi mukiwile i nyamhawa yeniyo giki, 'I lelo ni ntongo nalimalija kupeeja masamva na kupija banhu, u lo kadatu Iwaho nakubiza namala-maja.'

Yohana 5:8,14 Huna u Yesu ung'wila, "Buukaga ushisole i shilago shako, ushimize." 14 Aliyo u Yesu akiita umonela mu hekalu u munhu ng'wenuyo; ung'wila giki, "U bebe wamalile kupila, ali luulu, utiziita shibi hangi ukagwilwa mhayo gwabubi kutinda!"

Yohana 14:12 Nalimuwila gwa nghana giki uyo unizunya u nene, nanghwe akubeeja i milimo iyo nakubeejaga u nene; na hangi akubeeja na mitaale

kutinda ho, nguno nalija kuli Baba.

Shitwa 3:6 Aliyo u Petelo ung'wila giki, "U nene nati na sabo nuulu hela, kwike nakukwinha isho nali nasho. Mu lina Iya ng'wa Yesu Kilisto wa Nazaleti, buukaga ushimize."

**Shitwa 5:15,16 Nose a banhu buyubenza na basaatu bababuukije ha bulili
nuulu ha shilago, biza babatuula hihi na nzila, giki ulu alibita u Petelo
guyubakuumya bambo babo nuulu nengeeji gokwe duhu. 16 Bangi buyufuma
na ku mizengo yingi, iyo yali hihi-hihi na Yelusalemu, balibenha bababuukije
a basaatu na a babo bakoyiagwa masamva; pye bapilaga.**

**Shitwa 10:38 U Mulungu wali ang'witiilile Moyo Ng'wela na budula u Yesu wa
Nazaleti, uyo wajaga hose-hose akubeejaga yawiza na kubapija pye abo
bali mu buhedenkwa bo nq'wa Shetani, iki u Mulunqu wali hamo nanqhwe.**

Shitwa 19:11,12 I shitwa isho akayubeeja u Mulungu mu nzila ya makono ga ng'wa Paulo shali sha kukumya no, shikilile kasomboole! 12 Nose na basaatu buyupijiwa kulwa kutwaliwa shizwalo na shitambaala isho shali shakuumiwa ha mili qokwe; na a babo baali na masamva qabafumaga.

Balumi 8:26 Niyo hangi u Moyo akatugunaanaga u mu bugokolo wise, nguno a bise tutamanile u kulomba git'umo shitwigeleelilwe, aliyo u Moyo akatulombelaga wei ng'wenekili, niyo mu buganghiji ubo butadugije kusomboolwa.

**1 Bakolinto 12:9 Hama ungi u mu kinhile ka ng'wa Moyo akwinhwa kuzunya,
na ungi shakwinhwa sha kupija, u muli Moyo ng'wenuyo duhu.**

1 Bakolinto 12:28 U Mulungu ahelile u mu kanisa; a ba kwandya batung'wa, ba kabiili bahangi, ba kadatu balangi, huna babeeja ba milimo ya koolecha budula, na bangi bali na shakwihwa sha kupija, bangi sha bugunaani, banqi sha busuqi, na bangi mbika ja ndimi.

Bafilipi 2:27 Na nghana wali wasaatile no, niyo lya mandetendete hihi na kucha, kwike u Mulungu akankulilwa, hangi niyo iti wei duhu, aliyo nu nene ng'wenekili. qiki natizupinihala nakakilanija.

Yakobo 5:14 Hamo nuulu aliho umo wing'we akusaataga? Ni itanage banam-hala ba kanisa bize banombele na kumila maguta mu lipa lya ng'wa Seeba.

**1 Petelo 2:24 Wei ng'wenekili akashibuucha i shibi shise mu mili gokwe ha
linti, giki tuche u mu shibi, aliyo u mu butungilija tubize bapanga;
mukupiiqwa mu nzila va maqulagiie qakwe. (Isaya 53:5)**

3 Yohana 1:2 Ntogwa, nalikulombela wilukilwe mu yose, na hangi ubize nzubuku wa gili-gili git'umo ukwilukilaqwa mbola mu bupanga wako.

Exodus 15:26; Deuteronomy 7:15 not get diseases of Egypt.

Isaya 58:8 Yehova heals speedy **Yelemia 30:17; 33:6 Yehova heals**

Pastor T. John Franklin
Church of Salvation, Healing, and Deliverance
COS-HAD.org